

KOMUNIKADU IMPRENSA

Timor Gap no SundaGas konkorda Hasa'e partisipasaun interese porsentu 15 ba Timor Gap Chuditch Unipessoal. LDA

Tersa-feira 13 Feveiru 2024. SundaGas Banda nudar operador ba kontratu partilha produsaun (KPP) TL-SO-19-16 ne'ebé kobre kampu Chuditch lokalizada iha área Tasi Timor ho kolaborasaun hamutuk kompañia Timor Gap Chuditch Unipessoal Lda, ne'ebé sai hanesan kompañia subsidiariu husi kompañia estatal Timor Gap E.P.




Kontratu Partilha Produsaun ne'e rasik agora dadauk partensia ba area jurisdisaun Tasi Timor, ne'ebé lokalizada iha parte Leste husi kampu Bayu-Undan. KPP ida ne'e mós hetan partisipasaun ba interese (Participating Interest) hamutuk 75 % husi kompañia SundaGas Banda Unipessoal, Lda no 25 % husi kompañia Timor Gap Chuditch Unipessoal Lda.

Depois diskusaun barak tuir termu no referencia sira husi KPP TL-SO-19-16, no tuir Dekretu-Lei No.32/2016, lora 17 Augustu ne'ebé regula kona-ba Atividade Petrolífera iha Tasi Laran, no Lei No.6/2019 Lora 4 fulan Dezembru, Segundu alterasaun ba Lei No.13/2005, kona-ba Atividade Petróleu no mós Akordu Operasaun Konjunta (JOA), kompañia SundaGas Banda Unipessoal Lda no mós kompañia Timor Gap Chuditch Unipessoal Lda hetan konkordasia atu hasa'e 15 % iha numeru partisipasaun ba interese (participating interest) husi kompañia Timor Gap Chuditch Unipessoal Lda. Ho nune'e, numeru partisipasaun ba interese husi kompañia Timor Gap Chuditch Unipessoal Lda ne'ebé iha inisiu hamutuk 25 %, sa'e ba 40 %. Iha fatin seluk, kompañia SundaGas Banda Unipessoal Lda ninian numeru partisipasaun ba interese tun husi 75 %, ba iha 60 %.

Aseitasaun hodi aumenta partisipasaun ba interese ne'e hetan asinatura husi kompañia SundaGas Banda Unipessoal Lda no Timor Gap Chuditch Unipessoal Lda iha lora 23 fulan Janeiru tinan 2024 no ninian data efetividade hahu husi lora 7 fulan Feveiru tinan 2024.

CONTACT US

 info@anpm.tl

 www.anpm.tl